



## **Polyanthea Sacra**

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

**Spanner, Andreas**

**Augustae Vindelicorum, 1702**

§. 11. Varia de Virtute in genere.

---

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

*faciem abyssi.* S. Anaſtaſ. Sinaita l. 1. Anagog. contemplet. Scriptura tenebras ponit ante lucem. Quod præſignificaverunt illæ etiam duæ volucres, quæ emiſſæ ſunt ex Arca Noë. Gen. 8. 7. 8. Unde licet videre; ibi quoque priores eſſe tenebras: prior enim corvus evolavit ſuper aquas. Cum blanda voluptas homini res terrenas proponit, quæ meræ tenebræ ſunt; & ratio cœleſtia dictat, quæ lux ſunt; prius in illas abripimur, quàm in hæc feramur: non ſecus ac ante columbam corvus evolavit. Did. Niſſ. D. 3. Paſch. §. 3.

*Dedit viro ſuo.* Gen. 3. 6. Ut mulier alligeret virum ad peccatum; abſque ullius mandato, ipſa, ut comedit, dedit viro ſuo: nam ad malum nos proni ſponte noſtrâ; ad ſalutem mandato impelli opus habemus. Sylveira in Joan. 4.

*Abijcite deos alienos; ſurgite &c.* Gen. 35. 2. 3. Surgere jubet: quia ſomnolenti ſumus ad ea, quæ animæ, & Dei, ſunt: ut neceſſe ſit, crebris vocibus nos excitare. Et aſcendere jubemur: quia omnis pro Deo, & anima, ſuſceptus labor videtur mons præcelſus: aliter eſt in voluptatibus. Did. Niſſ. Pol. Cœl. p. 2. l. 9. c. 4.

*Tollite in aures aureas, de uxorum, filiorumq; & filiarum veſtrarum, aures; & aſſerte ad me.* Ex. 32. 2. Si ab uxore, aut filia, monile auferas ad bonum aliquod; vix totâ die ſletum, & turbationem domûs, compeſcere poteris: nunc verò tam facile pretioſis ſpoliari permittunt ad idola. Oleaſter. Imperat virtus; & dormimus: annuit vitium; & jam currimus. Utinam ſe ſic ſineret homo à vitijs rogari, quemadmodum ad opera virtutum. Seneca l. 3. nat. quaſt. c. 27. nihil difficile eſt naturæ, ubi in ſinem ſui properat. Ad originem rerum parcè utitur viribus; diſpenſatque ſe incrementis fallentibus; ſubito ad ruinam totò impetu venit. Did. Niſſ. Polit. Cœl. p. 2. l. 2. c. 6.

*Repentè ventus irruit à regione deſerti.* Job. 1. 19. at Ezech. 37. 9. à quatuor ventis veni ſpiritus, & inſuffla ſuper interfectos iſtos, & revivifcant. Ad evertendam domum, ad inferendam necem, irruit ventus unus: ad conferendam verò vitam à quatuor ventis totidem fœderati venire debere. Idem f. 4. D. 5. Quadr. §. 4.

*Cum ſancto, ſanctus ejus, & cum viro innocente innocens eris, & cum electo electus eris; & cum perverſo perverteris.* Pl. 17. 26. Sanitum ter nominat, ſanctus, innocens, electus; & perverſum ſemel tantum. Cur mali, & perverſi, non ter, æquè ac ſancti, meminit? Quia, ut quis evadat Sanctus, tribus, & pluribus, indiget Sanctis, qui illum ad probitatem pertrahant: ut verò quis malus evadat, unus, qui pervertat, plus ſatis eſt. Idem ibidem.

*Ambularimus vias difficiles.* Sap. 5. 7. Veloces pedes eorum ad effundendum ſanguinem. Pl. 13. 3. Sed, ut ad cœlum tendant; quid requiritur? Appropinquavit regnum cœlorum &c. Matth. 3. 2. Novus di-

cendi modus! homo debet quaerere, & ſeſe appropinquare ad regnum cœlorum; at è contra Joannes ait. Niſi cœlum ſe inclinet, & ad nos veniat; nunquam homo ſe movebit, ut illud conſcendat. Sylveira in Joan. 4.

*Ecce ego lactabo eam, & ducam eam in ſolitudinem, & loquar ad cor ejus.* Ol. 2. 14. alij legunt, *ſeducam* eam in ſolitudinem. Expende verbum *ſeducō*, & confidera; quòd etiam ad ea, quæ nobis maximè utilia ſunt, oportet Deum nos ſeducere. Oleaſter in Gen. 12.

*Abſcondi talentum tuum in terra.* Matth. 25. 25. Compone hunc ſervum iniquum cum illo Luc. 16. 3. qui ait: *fodere non valeo*, hoc eſt, laborare. At iſte, qui unum talentum acceperat, *abiens fodit in terram.* Hic ad malum ſtrenuus, & impiger; alter ad bonum, & ſatisfaciendum Domino, piger. Sylveira hic in addit.

## §. XI.

## Varia de Virtute in genere.

*Vinum tuum miſſum eſt aquâ.* If. 1. 22. id eſt, juſtitia tua miſſa eſt cum avaritia, & injuſtitia. Religioſus miſcet vinum cum aqua, quando cum obedientia miſcet propriam voluntatem, & judicium cum oratione curioſa; & ſæcularia colloquia, cum cœleſtibus cogitationibus conſolationes viles. Cornelius hic.

Virtus ſpontanea quædam res eſt, & nullius ſubjecta dominio: quòd autem quædam neceſſitate coactum eſt, virtus jam non eſſe poteſt. S. Gregor. Nyſſ.

Multò magis regnans virtus mavult adoleſcentiam, quàm ſenectutem; & tanquam intactam Virginem, & nihil probri paſſam adoleſcentiam, ſecum jungit neceſſitudine, ut cujus vitæ primitias ambiat. S. Chryſoſt. in Pl. 14.

## §. XII.

## Virtutes Theologicæ.

## Figure, Symbola.

## Abraham, Isaac, Jacob.

**D**Eus eſt *Deus Abraham*, conferendo Fidem: *Deus Isaac*, conferendo ſpem: *Deus Jacob* conferendo Charitatem. S. Bonaventura hic.

Per Abraham Fides, per Iſaac ſpes, per Jacob Charitas, intelligitur. Hugo Card. in Matth. 1.

*Recumbent cum Abraham, & Isaac, & Jacob.* Matth. 8. 11. In Abraham Fides, in Iſaac ſpes, in Jacob Charitas designatur. Sim. Caſt. l. 5. c. 12. Hi tres Patres in medium adducuntur: nam in Abraham Fides, quâ placuit Deus; & reputatum eſt ei ad juſtitiam: in Iſaac verò ſpes, quaſi Sacramentum fidei; & gratiæ, generatur. Porro per Jacob Charitas designatur: quæ per varia certamina, donec Iſrael poſſit Deum deorum in Sion videre,